DELA

Cour de Parlement;

SVR CESTE QUESTION,

SÇAVOIR,


Si celuy est capable de succeder, qui a esté en la Compagnie des Iesuites, demeurant & portant l'habit & le nom de Iesuite, & y ayant après deux ans de probation fait vœu de Pauureté, Chasteté, & Obedience perpetuelle.



A. PARIS,

Chez IEAN BRUNET, rue neufue S. Louys, preste Pont Sain& Michel, au Trois de Chiffre.

M. DC. XXXI.



Care takes

1634/2

THE NEW PLANT

who is a few of in

of the heavy of the first of the shall of th

Extraict des Registres de Parlement.

NTRE René Fauerot Maistre Orsebure demeurant à Bar-sur-Aube, au nom, & comme pere & tuteur des enfans mineurs de luy & de defunde Jeanne Varney sa femme, demandeur en lettres en forme de Requesté ciuile, du 4. Aoust 1629. & lettres d'ampliation du 10. Autil 1630. contre l'Arrest du 24. Mars 1619. & appellant de la Sentence donnée par le Bailly de Chaumont ou son Lieutenant; le 16. Mars 1627. & d'autre precedente renduë par le Preuost de Bar-sur-Aube ou son Lieutenant, le 4. Decembre 1626. & de tout ce qui s'en est ensuiny au prejudice desdits mineurs, d'vne part; Et Maistre Charles Begat, Prestre, soy disant Docteur en Theologie, defendeur, & inchime, d'autres Et encores Laurent Gallée, demandeur en requeste d'interuention du 19. Mars 1630. & lettres de subrogation aux droiets dudit Begat, du 21. dudit mois de Mars, en vertu d'vn pretendu contract de vente à luy faite le 7. dudit mois aussi d'vne part: Et ledit Fauerot, audit nom, defendeur d'autre, sans que les qualitez puissene prejudicier, apres que LABBE aduocat pour le demandeur, defendeur, & appellant, &

& proprie Religiosi non secus atque ipsi tum Societatis tum quorumlibet aliorum Regularium ordinum profess: Ce sont les termes d'vne des Bulles par eux obtenuës du Pape Gregoire XIII.qui commence Ascendente Domino: Et qu'il ne peut seruir audit Begat, de dire qu'il n'a fait le dernier vœu de la dite Societé qu'ils appellent solennel, parce qu'il se voit aussi par les propres termes de leurs Statuts qu'ils peuuent estre congediez après le dernier de leurs vœuz aussi bien qu'apres le premier, In quibusdam casibus etiam professi cuiuscunque gradus & dignitatis in Societate sint, dimitti possent, ce sont les termes de leurs Statuts en la partie 2 chapitre 1 page 74. de l'Edition faite en leur College à Rome en l'an 1583. & peu auparauant page 73. Quamuis causas ad dimissionem dignas eo graniores esse oportet quo quis arctius Societatis corporiconiunctus est quantumlibet tamen quisque sit coniunctus, in quibus dam casibus separari ab ea posset ac deberet: Qu'il na pas mesme esté produit la Coustume de Chaumont dans le ressort de la quelle les biens sont assis, & les parties demeurantes, qui porte que tous Religieux profez ne peuver succeder, ny le Monastere pour eux, & n'a pas non plus esté remonstré & prouué comme il estoit necessaire pour bien defendre ses mineurs que parles maximes de ceux de la societé des lesuistes, ainsi que par le droiet Canon le vœu de chasteté quoy que simple, empesche de se pou-

uoir marier; que ceux de ceste Societé sont par mesme moyen en mesme temps & par mesmes paroles vœu de pauureté ainsi que de chasteté; que tout ainsi que levœu de chasteté les empesche de se pouuoir marier, quoy que par eux qualisié simple, aussi le vœu de pauureté les doit empescher de succeder, l'vn & l'autre estans vouez & promis à Dieu en mesme temps & par mesmes paroles, & I'vn qualifié par eux-vœu simple, ainsi que l'autre, la formule de ce vœu estat en ces termes, Omnipotens sempiterne Deus, Ego N. voueo coram facratissima Virgine Maria & curia tua cœlestioninersa, diuine maiestatitue paupertatem, castitatem, & obedientiam perpetuam in Societate lesy, partie 3. chapitre 4. page 191. Que le dernier de leur vœu pour ce qui est de la pauureté, chasteté & obediéce perpetuelle est semblable au premier, la formule estant en ces termes, Ego professionem facio & promitto emnipotenti Deo coram eius Virgine matre, & vniuersa Curia cælesti & tibireuerendo patri Societatis IESV præposito generali locum Deitenenti, perpetuam paupertatem, castitatem & obedientiam; que ce sont verba de presenti, non point verba de futuro; que voues, professionem facio, promitto, signifie le mesme; que si l'vn doit plus signisser que l'autre, ce doit Estre le premier, qui est voues, comme estant le propre terme de Theologie pour denoter les vœuz; que ce que nous appellons promesse à l'esgard des hommes, nous le disons vœu à l'es-

gard de Dieu; qu'il doit suffire à ceux de ceste Societé de faire valoir entr'eux, & en leur particulier ce qui est de leurs Statuts & Bulles, de faire pour ce qui est du spirituel ce que portent leurs Statuts & Bulles, mais qu'ils ne doiuent rien faire ny mesme entreprendre contre ce qui est des loix publiques, du droict commun, des loix faites pour le temporel obseruées de tout temps en France, pour la conservation & manutention des familles sans lesquelles l'Estat ne peut sublister, entre lesquelles loix l'vne des principales & plus necessaires en ce temps est celle-cy; Religieux ne succede ne le Monastere pour eux, laquelle ils renuerseroient & rendroient sans effect non seulement en l'vne de ses parties, mais en toutes les deux toutesfois & quantes qu'ils voudroient si leur congé pouuoit operer ce que le desendeur pretend: Et outre que le procés a esté jugé sur piece contre laquelle il n'a esté formé inscription de faux, quoy qu'elle soit fausse, & en sa substance pour contenir le contraire à deux certificats baillez par le Pere Boniel, & aux Statuts & Bulles de ceux de ceste Societé, & mesme à l'interrogatoire de Begat, & en sa datte pour estre l'vne des copies dattée du 7. Auril & l'autre du 7. de Mars 1627. & mesme contient vne contradiction manifeste qui l'a rend nulle, de nul effect & valeur, suiuant les loix touchant les contradictios; que la fausseté est si manifeste, que le defendeur ne veut representer l'original de la piece, pourquoy sa partie n'a fourny ses moyens de faux ne les pouuant pas fournir sans voir l'original, & parainsi qu'ils ne peuuent pas auoir esté ioincts comme le desendeur veut dire; que la suppression que le desendeur fait encores de l'original de ceste piece est suffisante pour la faire tenir pour fausse, & faire reuoquer le iugement sondé sur icelle, que telle est la disposition des loix & des plus celebres Docteurs, entr'autres de Cujas en ses paratitles sur le tiltre du Code Si ex falsis instrumentis, & de du Moulinen son commentaire sur la Coustume de Paris S. 8. nombre 60. De plus que quand la piece seroit vraye, le defendeur ayant fait vœu substantiel de Religion apres deux ans de probation en ladite Societé, & y estant demeuré depuis 1617. iusques en 1623. portant l'habit & le nom de Iesuiste, y ayant mesme reiteré & renouvellé ses vœuz deux fois par chacune année, il doit estre tenu & reputé Profez, à l'effect, entr'autres, de ne pouuoir recueillir, prendre, ny apprehender aucune succession, d'estre inhabile, incapable, & non receuable à succeder; que par l'article 6. de l'Edict du Rappel de ceux de ceste Societé, il est dit qu'ils ne pourront prendre ny receuoir aucune succession non plus que les autres Religieux; Et que si la clause mise à la fin dudit article estoit entenduë comme veut le defendeur, l'exception de la Regle aneantiroit entieremet

9

la regle, & ne se pourroit trouuer aucune espece à laquelle la regle peust estre appliquée, d'autat qu'il ne faudroit qu'vn escrit souz seing priué, qu'ils appellét congé, de l'vn des superieurs de ceste societé pour renuerser la regle en quelque temps que ce fust; Que la Cour preuoyant & preiugeant bien la mauuaise interpretation que l'on voudroit apporter & donner à ceste clause, a fait vn arresté sur icelle, lors qu'apres plusieurs iussions elle a deliberé sur l'enregistrement de cet Edict, tant s'en faut qu'elle ait passé & réceu ceste clause purement & simplement, ainsi que pretend ledit defendeur: que depuis cet Arrest la Cour a iugé conformémet à la loy generale, Religieux ne succedent ny le Monastere pour eux; entr'autres par l'Arrest de du Cros donné le 14. Aoust 1626. Que ceste clause mesme ne porte pas qu'estant licentiez & congediez ils succederont & viendront à partage; mais qu'elle porte qu'estans congediez, c'est à dire auparauant qu'auoir fait vœu substantiel de Religion, ils rentreront en leurs droicts, c'est à dire s'ils en ont, & il n'en ont point, s'ils ont fait vœu substantiel de Religion par la loy qui dit, Religieux profez ne succedet: Qu'ils ne peuuet auoir plus de droict ny de privilege que tous les autres Ordres de Religieux lesquels ne peuuet succeder, au contraire si quelqu'vn d'entr'eux sort on le renuoye en son Conuent, & son Superieur est tenu de le reprendre, & s'il en fait

quelque refuz il y est condamné par justice. Qu'vn ordre qui n'est que toleré, sa reception estant appointée au Conseil sur plusieurs oppositions y formées, par Arrest contradictoirement donné, ne doit auoir plus de pouuoir ny plus de privilege que les autres Ordres qui sont receus de temps immemorial en ce Royaume: oucce qui est encore à remarquer pour la cause de ces mineurs, est que le defendeur entrant en ceste societé à fait la promesse qui est prescrite par les Statuts de ceste societé au chap. 4. de l'examen general, de delaisser promptement, &vn an apresson entrée tous ses biens, & ne les pas donner à ses parens, en disant que le conseil Euagelique ne porte pas Daconsanguineis, donnez à vos parens, à ceux de vostre sang, de vostre famille; qu'il doit souffrir la mesme loy qu'il s'est prescrite, que ne voulant rien donner à ses parens iln'est pas raisonnable qu'il reçoiue aucune chose d'eux, ny par consequent qu'il leur puisse succeder: Comme aussi dit que si l'Arrest subsistoit il y auroit contrarieté d'Arrest, ayant esté jugé par autres precedens Arrests, entr'autres par celuy donné contre du Cros, que celuy qui a fait les dits vœuz en la dite societé n'est receuable à succeder; que du Cros n'auoit fait autres vœuz que ceux que le defendeur a faits, ny n'estoit sorti de la dite societé autrement que le defendeur en est sorti: Et pareillement qu'il y auroit contrarieté à la loy generale du Royaume, & à la loy de la Prouince où les biens sont assis, qui porte que Religieux profex ne succedent: que le defendeur est, verè & proprie Religiosus, non secus atque ipsi professitum societatis tum quorumlibet aliorum regularium Ordinum, suiuant la Bulle Ascendente Domino, vrayement & proprement Religieux tout ainsi que les profextat de ceste societé que des autres Ordres Reguliers quels qu'ils soiet: Comme aussi dit qu'il n'a esté fait droict sur vue requeste presentée par le demandeur, quoy qu'il eust ainsi esté ordonné en respondant la requeste presentée par le demandeur: que le defendeur pour n'estre pas à present demeurant en l'vn des Colleges, ou en l'vne des maisons de ceste societé, il n'est pas moins Religieux principalement pour les effects ciuils, puis qu'il a fait vœu substanciel de Religion, vœu de pauureté, chasteté, & obediance perpetuelle, soit que la succession soit escheue pendat qu'il a esté en ceste societé soit depuis qu'il en est sorti, soit qu'il soit sorti auec congé, soit sans congé, il s'agist tousiours de sçauoir si vn Religieux de l'ordre des Iesuistes est capable ou incapable de succeder; que le tout reuient toussours à ceste mesme question qui est de tres-grande consequence, ne regardant pas seulement ces mineurs, mais vne grande partie des familles dece Royaume: que le defendeur n'a obtenu l'Arrest dont il se preuault qu'en circonuenant la Religion de la Cour: Bij

80.

que ne point produire des pieces decisiues de l'affaire, iustificatives de la verité du faict, comme sont lesdits Statuts & Bulles qui n'ont peu estre supplées estans de faict, & qu'il ne rapporte que pour prouuer ce qui est du faict non point pour iuger du droiet, est vne obmission de defenses en cause de mineurs, de mesme que de recognoistre pour vraye vne piece qui est fausse, prendre vne copie pour l'original d'vne piece comme on a fait par vne requeste employée pour contredicts contre ceste piece, prendre vn certificat d'vn congé pour vn congé, & le prendre comme estant datté de l'an 1623. au lieu qu'il n'est datte que de 1627. est tres mal defendre des mineurs non seulement in obmittendo, mais aussi in committendo; que par ces moyens la Religion de la Coura esté surprise: Et par ce que la sentence du Bailly de Chaumont & du Preuost de Bar-sur-Aube portent, qu'à faute de rapporter par le defendeur certificat valable de son congéil est declaré incapable de succeder, & qu'en cause d'appel le desendeur ayant rapporté ledit pretendu congé, ou plustost le certificat du congé à luy baillé en 1627. quoy qu'il fust sorti en 1623. il n'a esté interiecté appel de ces sentences comme il deuoit estre pour conseruer à ces mineurs le bien dont il s'agist en soustenant la question generale, sçauoir est, qu'apres les vœuz de pauureté, chasteté, & obedience perpetuelle faicts par ledit Be-

gat apres deux ans de probation, il ne peut succeder no plus que se marier, il supplioit la Cour de le receuoir appellant de ses sentences, & tenir l'appel pour bien releué, que le default d'auoir interiecté & releué cet appel estoit vne obmission de defenses en cause de mineurs qui ne pouuoit estre desniée, & que faisant droict sur son appel pour ce chef, il fust dit qu'il a esté mal jugé, en emendant ledit Begat declaré non receuable à succeder : que Laurent Gallée in teruenant, & demandeur en lettres de subrogation, n'ayant droict que de Begat n'auoit point de droict, & partataussi non receuable. TALON au contraire dit, qu'il n'auoit pas à defendre vne Sentence, mais vn Arrest; que l'obmission de defenses n'est veritable; que le demandeur a allegué au proces tout ce qui s'est peu dire pour ces mineurs; que les Statuts des Iesuites s'ils eussent esté produits sont à son aduantage, & par iceux appert qu'ils ne sont tenus Religieux qu'apres le vœu solemnel; & par certaine Bulle du Pape Gregoire XIII le Superieur a pouuoir de dispenser de leurs vœuz: pour ses moyens de faux, qu'ils sont si foibles que la Cour les a ioinets, que le congé est signé du Prouincial; qu'il n'y a contrarieté d'Arrest; que ceux qui luy ont esté communiquez sont interuenus sur autres considerations, & entr'autres personnes; que la succession est escheuë depuis que le defendeur est sorti de ceste societé: autre chose

B iii

s'il estoit sorti apres la succession escheue: que par l'Edict du restablissement de ceste societé, il est dit, qu'au cas que cy-apres ils fussent congediez & licentiez par la compagnie, ils pourront rentreren leurs droits; que cet Edict est entegistre & doit estre observé: Et sur ce soustenu le demandeur non receuable en ses lettres, & conclud à ce qu'il en soit de bouté auec l'amende & despens: Ensemble Bienon pour le Procureur General du Roy, qui a dit que de verité ce qui est de plus considérable en la cause est la consequence, que de tous les moyens alleguez il estime que le plus fort est l'obmission de defenses en ce qu'il n'a esté appellé de la Sentence donnée par le Bailly de Chaumont, par laquelle, faute de rapporter par le defendeur vn congé valable par escrit de ceux de la societé des lesuites & du Superieur, le désendeur a esté declaré inhabile & incapable de succeder, & qu'en cause d'appel le défendeur avant rapporté vn certificat signé du Pere Binet, Prouincial de la dispence des trois vœuz par luy faicis, en consequence duquel certificat & dispence, il pretend pounoir succeder, on a iugéle procés, sur lequel est interuenu l'Arrest contre l'equel on s'est pourueu, sans contester la question generale, sçauoir si apres les trois vœuz faicts par Begat il y a lieu de le receuoir à succeder: estime que cela né se peut pas faire, & que le vœu de pauureté, chasteté, &

obedience perpetuelle vne fois faict és mains du Superieur doit tenir toutes sortes de personnes pour Religieux profez; & de pretendre le contraire, cela seroit d'vne perilleuse consequence pour le public, estant necessaire de veiller pour la coseruation des familles: C'est pour quoy adherent auec le demandeur, à ce qu'en remettant les parties en pareil estat, iugeant la question principale, Begat soit priué de la succession, dont est question. LA Covr ayant esgard aux lettres, & icelles entherinant, a remis & remet les parties en tel & semblable estat qu'elles estoient auparauant l'Arrest, a receu & reçoit la partie de LABBE appellant de la Sentence donnée par le Bailly de Chaumont, l'a tenu & tient pour bien releué, & y faisant droict sans s'arrester au faux, Requeste d'interuention dudit Gallée, & lettres de subrogation, a mis & met l'appellation & ce dont a esté appellé au neant, en emendant a declaré & declare Begat non receuable à recueillir la succession de son frere, & en ce faisant a maintenu & gardé, maintient & garde le demandeur audit nom en la possession & iouissance des biens d'icelle succession; & neantmoins pour aucunes causes & considerations, ordonné que le defendeur iouira par forme d'vsufruict du tiers des immeubles & heritages d'icelle succession par forme d'alimens, sans despens ny restitution de fruicts. Faict en Parlement le trentiesme iour de Ianuier mil six cens trente-vn.

Signé, LEVESQVE.

OVIS PAR LA GRACE DE DIEV ROY DE FRANCE ET DE NAVARRE, Au premier des Huissiers de nostre Cour de Parlement, ou autre nostre Sergent surce requis, Salut; A la supplication de René Fauerot Maistre Orfebure demeurant à Bar sur-Aube, au nom & comme pere & tuteur des enfans mineurs de luy & de defuncte Jeanne Varnay sa femme, Nous te mandons que l'Arrest de nostre-dite Cour de ce iour cy attaché souz le contre-seel de nostre Chancellerie par luy obtenu contre Maistre Charles Begat, & Laurent Gallée, iceluy tu mettes à deue & entiere execution selon sa forme & teneur: de ce faire te donnons pouroir. Donné à Paris en nostre Parlement, le trentiesme iour de Ianuier, l'an de grace mil six cens trente-vn. Et de nostre regne le vingt-vniesme.

Par la Chambre,

Signé, RADIGVES.